

NOTA INFORMATIVA DO CEIP INSUA BERMÚDEZ – LIBROS 2015-2016

DEVOLUCIÓN LIBROS

Infórmase ás familias do alumnado de **3º, 4º, 5º e 6º de Primaria** que recibiron vales de axuda para a adquisición de libros de texto no curso **2014-2015** deben devolver os libros antes do día **19 de xuño de 2015**. Os libros a devolver deben estar en bo estado de conservación, de maneira que poidan ser reutilizados.

Este requisito será imprescindible para poder optar as axudas de libros ou ao fondo solidario do vindeiro curso 2015-2016, tal e como explicamos a continuación.

O proceso de axudas de libros de texto para o vindeiro curso **2015-2016** levarase a cabo mediante dous procedementos:

1º.- FONDO SOLIDARIO.

Aféctalle ao alumnado que vai cursar 3º e 5º de Primaria no vindeiro curso 2015-2016. Está regulado pola Orde de 21 de maio de 2015 (DOG de 1 de xuño). A asignación dos libros de texto existentes no fondo solidario do centro serán asignados aos destinatarios (3º e 5º EP) por **orde inversa á renda per cápita da unidade familiar en función das existencias**. Para a determinación da renda per cápita familiar sumarase a casilla **366 e 374** da declaración da renta correspondente ó exercicio **2013** dos membros que obteñan ingresos e dividirase entre os membros que componen a unidade familiar (son considerados membros da unidade familiar os pais, os fillos/as menores de idade nacidos antes do 31 de decembro de 2013 e fillos/as menores de vintecinco anos que convivan no domicilio familiar).

Unha vez cuberta a solicitude, esta deberá presentarse na secretaría do centro debidamente asinada polo pai, a nai ou tutor/a do alumnado e polo resto dos membros da unidade familiar computables para os efectos de renda que obteñan ingresos acompañada da documentación correspondente.

Xunto coa solicitude presentarase orixinal e copia da seguinte **DOCUMENTACIÓN**:

a) Libro de familia no que figuren todos os membros da unidade familiar.

No caso de non ter libro de familia ou se a situación familiar, a día 31 de decembro de 2013, non coincide coa reflectida no libro, terá que presentarse documento ou documentos acreditativos do número de membros da unidade familiar, tales como: sentenza xudicial de separación ou divorcio e/ou o convenio regulador onde conste a custodia do causante; certificado ou volante de convivencia; informe dos servizos sociais ou órgano equivalente do concello de residencia, que acredite a situación familiar.

b) No caso de discapacidade dalgún dos membros da unidade familiar incluídos na solicitude deberá acompañarse un dos seguintes documentos que acrediten esta circunstancia a 31 de decembro de 2013: **certificado emitido polo órgano competente** do grao de minusvalidez cunha porcentaxe igual ou superior ao 33%; resolución ou certificado emitido pola Seguridade Social de pensión de incapacidade permanente nos graos de total, absoluta ou gran invalidez; documentación acreditativa da condición de pensionista de clases pasivas cunha pensión de xubilación ou retiro por incapacidade permanente para o servizo ou inutilidade.

c) No caso de **situación de violencia de xénero** no contorno familiar: **documentación acreditativa**.

Presentarase **unha solicitude por cada alumno ou alumna**.

O **prazo de presentación** de instancias rematará o **30 de xuño de 2015**.

(Nota.- Está prevista unha reunión coas familias do alumnado que vai cursar 3º e 5º de Primaria da que xa se informará

2º.- AXUDAS A LIBROS (VALE).

Aféctalle ao alumnado que vai cursar 1º, 2º, 4º e 6º de Primaria no vindeiro curso 2015-2016. Está regulado pola Orde de 22 de maio de 2015 (DOG de 1 de xuño). O prazo para a presentación de solicitudes remata o **2 de xullo de 2015**. Presentarase no centro **unha solicitud por alumno/axunto coa documentación xustificativa da situación familiar** que contempla a Orde de convocatoria. Rendas familiares e contía das axudas:

No caso do alumnado de educación primaria é condición ter unha **renda per cápita familiar** igual ou inferior a **9.000€**.

Contía da axuda: Familia monoparental: Renda per cápita familiar ata **6.000 €: 170 €**.- De **6.000,01 a 9.000 €: 90 €**.

Resto das familias: -Renda per cápita ata **5.400 €: 170 €**.- De **5.400,01 a 9.000 €: 90 €**.

Enténdese por **renda per cápita familiar**, a renda familiar dividida entre o número de membros da unidade familiar computables. Terase en conta a situación persoal e familiar en 31 de decembro de 2013 e o exercicio fiscal 2013. A renda familiar obterase por agregación das rendas de cada un dos membros computables da familia que obteñan ingresos de calquera natureza. Os membros da unidade familiar que presentasen declaración do imposto sobre a renda, para os efectos do cálculo da renda familiar, sumarán os recadros **366** (base impoñible xeral) e a **374** (base impoñible do aforro) da declaración.